



IL GALÈS TRUMPER AL FEVELE A UDIN DI UNE CUISTION STORICHE E CULTURÂL ANCJEMÒ VIERTE

«I Celts? Un popul pôc cognossût»

La relacion dal professor e à
inaugurât il gnûf dottorât di ricercje
in ladinistiche e plurilenghesim

Te foto:
brongin
preroman
di Ercul
(museu di
Cividât)

CUI SONO I CELTS? CE RAPUÂRT ANO CU LA lenghe furlane? E cu la sô culture?

Chestis lis domandis che a àn introdusût l'intervent che John Trumper, nassût in Galles (e di origjine «celtiche» di almancul 963 agns), docent di lenghistiche ae Universitât de Calabrie e espert di dialets romançs al à tignût vinars ai 2 di Fevrâr, a palaç Florio, sede de Universitât di Udin.

«A no esistin peraulis celtichis par definî il popul celtic. Jo no mi ricognòs in cheste definizion che e je stade inventade dai Grêcs e daspò cjapade sù dai Romans, ma o preferis sintî si apartegnî a une minorance Cimbri-che o Goideliche. (...) I popui celts a son omogeneis par culture e struturis amministrativis, di vuere e di cult ma a àn simpri pandût une fuarte disomogjenêitât lenghistiche».

Cualchi bocon dal discors dome par rindi la complessitât de realtât

celtiche, che masse dispès — si pues intindi des peraulis di Trumper — e je pôc cognossûde o sotvalutade, sore-dut in Italie. Un popul fat di int dife-rente che si clame cun nons diferents e che si môf ator par l'Europe in so-stance par doi motifs, la conquiste e la sopravivence.

E Trumper al puarte l'esempli dai Celts puars che a vegnin in contat cui Venetics siôrs lassant cussì la stampe dal lôr diu Belen.

«Il probleme dai Celts — al rimar-che Vincenzo Orioles, diretôr dal Cen-tri internazionâl sul plurilenghesim — al è di timp al centri dal dibatit cul-turâl te nestre regjon, par chel che al rivuarde la ipotesi di une continui-tât tra la civiltât pre aculeiese e la situazion atuâl. La pussibilitât di un sotstrât celtic no je simpri dimostrade in mût rigorôs e par chest e je deven-tade scuasit un mît».

Une cuistion duncje che e va a-profondide e studiade. Cheste la fina-litât dal dottorât di ricercje in ladinisti-che e plurilenghisim, inaugurât chest an ae Universitât di Udin, «cun chê — al diis Orioles — di dâ lis fondis sienti-fichis par une leture ogjetive de nestre aree, valorizant lis lenghis dal teritori cuntune atenzion aes coordinadis in-ternazionâls dal contest che si riferis-sin».

Il dottorât al formarà duncje studiôs e ricercjadôrs, trê chest an, e, al conclût Orioles «al è stât par rivâ a une definizion rigorôse in cheste prospet-tive che si à ritegnût di clamâ, sul tacâ des lezioni, il professor Trumper».

Chest, sepûr difindent viers l'ipote-se di une continuitât lenghistiche di-rete tra celt e furlan al à cjapât in con-siderazion ancje cualchi esempli che al pant un contat.

I elements toponomastics o ono-mastics a dimostrin une sigure comi-sion e, al zonte Orioles, «ancje dal pont di viste archeologicj a esistin zo-nis in Friûl che a risintin claramentri de presince celtiche».

ROBERTA MELCHIOR